

La taille royale de l'an mil cinq cens quatorze (monte à 353 liures 15 solz dix deniers, au mois d'octobre) (f^o LXX V^o).

La taille de la creue du Roy de l'an mil cinq cens quinze (monte à 88 liures 5 sols, perçues au mois de mai) (f^o LXXI V^o).

GARNISON DES ALBANAIS.

La despance de la garnison des Albanoiz, logez à Coindrieu, le moys de juillet et treize jours continuelz, l'an mil cinq cens quinze, doit donner cent deux liurez dix et neufz solz troys deniers, tant pour vingt et neuf liurez deuez à Anthoyne Joffrez pour toute la perte de l'auoyne qu'a esté fournye esdicts Albanoiz durant le temps de ladicte garnison, dont ledict Joffrey a tenu le compte de ladicte auoyne qu'a estre desliurée, ensemble toutes aultres despances, journées et vaccacions pour les affaires de ladicte auoyne, dont est tenu ledit Joffrey payer toutes les auoynes qu'ont estees prisez de plusieurs personnes pour fournir esdicts Albanois, ensemble lesd. despances, journées et vaccacions de tous ceux la que y ont vacqué, cinq liurez six solz neuf denyers; pour la perte de la chair que les bouchiers ont fournye esdicts Albanoiz, c'est ascauoir, à Pierre Morin, vne liure quatorze solz troys deniers, à Pierre Roussin, vngue liure neuf deniers, à Jehan Morin, vne liure quatre solz six deniers, à Anthoine Gay, vne liure sept solz troys deniers, à Jehan Couchod, huyt liurez cinq solz troys denyers qu'il dict auoir fourny pour despance en sa maison faicte pour